

四庫全書

集部

欽定四庫全書

文苑英華卷一百六十九 宋 李昉等 編

應制二

侍宴七十二首

侍宴樂遊苑餞徐州刺史應詔

丘 遲

詰旦闔闔開馳道  
聞鳳吹輕蕙承玉輦  
細草藉龍騎風  
遲山尚響雨息雲  
猶積巢空初鳥飛  
行亂新魚戲實惟

北門重匪親孰為寄參差別念舉肅穆恩波被小臣信  
多幸投生豈酬義

侍宴謝朓宅東歸應制

沈約

皇情悵東舳羽旆拂南廛夏雲清朝景秋風揚早蟬飲  
和陪下席論道光上筵

侍宴樂遊苑餞呂僧珍應詔

前人

丹浦非樂戰負重切君臨我皇秉至德恭一作忘已用堯

心愍茲區宇內魚鳥失飛沉推轂二嶠岵揚旆九河陰

超乘盡三屬選士皆百金戎車出細柳餞席遵上林興  
師誅後服授律緩前禽函輟方解帶堯武稍披襟伐罪  
芒山曲吊民伊水潯將陪告成禮待此未抽簪

侍宴餞臨川王北伐應詔 王筠

金版韜英玉牒蘊精帝德乃武王威有征軒習弧矢夏  
陳干戚周驚戎車漢馳羽檄我皇駿聖千年踵武德洞  
千門威加八柱金正圯德水行失道駟馬南牧戎徒西  
保存食伊瀍整居豐鎬金閣一作闕揚塵銅臺茂草命彼

膳夫受詔協律樂賦出車弦操別日玉饌駢羅瓊漿泛  
溢聖德温温賓儀秩秩

侍宴餞庾於陵應詔

劉孝綽

皇心眷將遠悵餞靈芝側是日青春獻林塘多秀色芳  
卉疑綸組嘉樹似雕飾遊絲綴鶯領先風翔綺翼下輦  
朝既盈留宴景將昃高談競辨端竒文爭筆力伊臣獨  
無技何用奉吹息

侍宴餞張惠紹應詔

前人

滄池誠自廣蓬山一何峻麗景花上鮮油雲葉裏潤風  
度餘芳滿鳥集新條振餞言班俊造光寵私輜恠徒然  
謬反隅何以窺重任

侍宴二首

前人

清宴延多士鴻私濫微薄臨炎出蕙樓望辰躋茵閣上  
征切雲漢俛眺周京洛城寺鬱參差街衢紛漠漠禁林  
寒日晚方秋未搖落皇心重發志賦詩追並作自昔承  
天寵於茲被人爵選言非綺綃何以儼金釧

二

茲堂乃峭嶠伏檻臨曲池樹中望流水竹裏見攢枝欄  
高景難蔽岫隱雲易垂邂逅逢休幸朱蹕曳青規丘山  
不可答葵藿空自知

侍宴景陽樓

王僧孺

金鋪爍可鏡桂棟儼臨雲沾觴均飲德服道驗朝聞詎  
論禹無間非耻堯為君小臣亦何者短翮屢追羣

侍宴二首

前人

麗景燭春餘清陰澄夏首交枝隱修逕迴流映遙阜徙  
帷轆輕筠移鑿拂高柳去矣勞茂績勉哉報嘉誘小臣  
良不才消塵愧所守何用勝雕斲譬木良如朽

二

迴鑿避暑宮下輦迎風館渺漫卿煙轉霏微高雲散蔓  
草亘巖垂高枝起天半迴風稍驚水落光漸斜岸妙舞  
駐行雲清歌入層漢眸顏暢有懌德音良已粲

御幸樂遊苑侍宴

張正見



大君臨四表榮光普八埏區中文化洽海外武功宣鳳  
下書丹篆龜符著綠編昆明不習戰雲臺豈遊畋軌丈  
通萬國旗節靖三邊高秋貌姑射睿想屬汾川兩宮明  
合壁雙闕帶非煙揚鑿出城觀詔蹕指郊壩禁苑迴雕  
輦離宮建翠旃流水犇雷轂追風赴電鞭畫熊飄析羽  
金埒響膠絃鳴玉升文砌稱觴溢綺筵獸舞依鍾石鸞  
歌應管絃霞明黃鵠路風爽白雲天潦收荷蓋折露重  
菊花鮮上林賓早鴈長楊唱晚蟬小臣慙藝業擊壤慕

懷鉛康衢飛映羽大海滴微涓詠歌還集木舞蹈遂臨  
泉願薦南山壽明明奉萬年

九日侍宴樂遊苑應制

見一百七十三卷

庾肩吾

入隋侍宴應詔

陳後主

日月光天德山河壯帝居太平無以報願上東方書

侍宴玄武觀

江總

詰曉三春暮新雨百花朝星宮移渡罕天駟動行鑣旆

轉蒼龍闕塵飛飲馬橋翠觀迎斜照丹樓望落潮鳥聲  
雲裏出樹影浪中搖歌吟奉天詠未必待聞韶

秋日侍宴婁湖苑應詔

前人

翠渚還鸞輅瑤池命羽觴千門響雲蹕四澤動榮光玉  
軸昆池浪金舟太液張虹旗照島嶼鳳蓋繞林塘野靜  
重陰閣淮秋水氣涼霧開樓闕近日迥煙波長洛宴諒  
斯在鎬飲詎能方朽芳叨榮遇簪笏奉同行

侍宴莎冊宮賦應制得情字 許敬宗

三星希曙景萬騎翔天行徐羽翻風隊騰吹掩山楹暖  
日晨光淺飛煙旦彩輕塞寒桃變色冰斷箭流聲漸奏  
長安道神臯動睿情

侍宴應詔得前字

虞世南

芬芳禁林晚容與桂舟前橫空一鳥度照水百花燃綠  
野明斜日青山澹晚煙濫得陪終宴握管類窺天

侍宴歸鴈堂

前人

歌堂面綠水舞館接金塘竹開霜後翠梅動雪前香鳥

歸初可侶鴈起欲分行刷羽同棲集懷恩愧稻梁

侍宴北門

杜正倫

大君端宸暇睿賞狎林泉開軒臨禁籞藉野列芳筵參  
差歌管颺容喬羽旗懸玉池流若醴雲閣聚非煙湛露  
晞堯日薰風入舜絃大德侔玄造微物荷陶甄謬陪瑤  
水宴仍廁栢梁篇關名徒上月鄒辯詎談天既喜光華  
旦還傷遲暮年猶冀升中日簪裾奉肅然

正夜侍宴應詔

薛曜

重關鐘漏通夕散鳳凰宮雙闕祥煙裏千門明月中酒  
杯浮湛露歌曲唱流風侍臣咸醉止恒慙恩遇崇

侍宴銀潢宮應制

魏元忠

別殿秋雲上離宮夏景移寒風生玉樹涼氣下瑤池  
花仍吐葉巖木尚抽枝願奉南山壽千秋長若斯

蓬萊三殿侍宴奉勅詠終南山應制

杜審言

北斗挂城邊南山倚殿前雲標金闕迥樹杪玉堂懸半

嶺通佳氣中峯繞瑞烟小臣持獻壽長此戴高天

初春行宮曲宴應制得天字 蘇味道

溫液吐涓涓跳波急應絃簪裾承睿賞花柳發韶年聖  
酒千鍾洽宸章七曜懸微臣從此醉還似夢釣天

奉和宴小山池賦得谿字應制

武三思

年光開碧沼雲色飲青谿凍解魚方戲風喧鳥欲啼巖  
泉飛野鶴石鏡舞山雞柳發龍鱗上松新麈尾齊九韶

從此驗三月定應迷

凝碧池侍宴應制得出水槎 前人

彼木生何代為槎復幾年欲乘銀漢曲先泛玉池邊擁  
溜根橫岸沉波影倒懸無勞問蜀客此處即高天

凝碧池侍宴看競渡應制 李懷遠

上苑清鑿路高居重豫遊前對芙蓉沼傍臨杜若洲地  
如玄扈望波似洞庭秋列筵飛翠管分曹戲鷁舟湍高  
棹影沒岸近榜歌道舞曲依鸞殿簫聲下鳳樓忽逢天



上樂疑逐海查流

侍宴旋師喜捷應制

常安石

蜂蟻屯夷落熊羆逐漢飛忘軀百戰後屈指一年歸厚  
眷紆天藻深慈解御衣興酣歌舞出朝野嘆光輝

梁王宅侍宴應制

前人

梁園開勝景軒駕動宸衷早荷承湛露修竹引薰風九  
醞傾鍾石百獸協絲桐小臣陪宴鎬獻壽奉維嵩

同前

張說

梁王池館好晚日鳳樓通竹町羅千衛蘭筵降兩宮清  
歌芳樹下妙舞落花中臣學延州聽還知大國風

過太平公主山亭侍宴

張昌宗

淮南有小山羸女隱其間折桂芙蓉浦吹簫明月灣  
掩將鷓鴣曲釵承墮馬鬟歡情本無限莫掩洛城關

泛舟侍宴應制

張易之

平明出御溝解纜坐迴舟疑綠水澄明月紅羅結綺樓  
絃歌爭浦入冠蓋逐川流白魚臣作伴相對舞王舟

公主南宅侍宴應制

前人

逐賞平陽地鳴笳上苑東  
鳥吟千戶竹蝶舞百花叢  
時攀小山桂共揖大王風  
坐客無勞起奏簫曲未終

興慶池侍宴應制

蘇瓌

金闕平明宿霧收  
瑤池式宴俯清流  
瑞鳳飛來隨帝輦  
祥魚出戲躍王舟  
帷齊綠樹當筵密  
蓋轉緗荷接岸浮  
如臨竊比微臣懼  
若濟叨陪聖主遊

立春日侍宴內出剪綵花應制  
李嶠

幸聞年欲至剪綵學芳辰  
綴綺能似景裁紅巧逼直花  
從篋裏發葉向手中春  
不與韶光競何名天上人

同前

趙彥昭

剪綵迎初候攀條故寫真  
花隨紅意發葉就綠情新  
嫩色驚街鶯輕香誤採人  
應為薰風拂能令芳樹春

同前

沈佺期

合殿春應早開箱綵預知花  
迎宸翰發葉侍御筵披梅  
訝香全少桃驚色頓移輕生  
承剪拂長伴萬年枝

同前

宋之問

金閣裝新杏瓊筵弄綺梅人間都未識天上忽先開蝶  
繞香絲住蜂憐艷粉迴今年春色早應為剪刀催

同前

劉憲

上林春館披春光獨早知剪花疑始發刻鷲似新窺色  
濃輕雪點香淺嫩風吹此日叨陪侍恩榮慙數枝

同前

昭容上官氏

密葉因裁吐新花逐剪舒攀條雖不謬摘葉詎知虛春

至由來發秋還未肯踈借問桃將李相亂欲何如

同前

蘇題

曉入宜春苑穠芳吐禁中剪刀因裂素粧粉為開紅彩  
異驚流雪香饒點便風裁成識天意萬物與花同

春日侍宴幸芙蓉園應制

李嶠

年光竹裏遍春色杏間遙煙氣籠青閣流文蕩畫橋飛  
花隨蝶舞艷曲伴鴛嬌今日陪歡豫還疑陟紫霄

同前

蘇題

御道紅旗出芳園翠輦遊繞花開水殿架竹起山樓荷  
芰輕薰幄魚龍出負舟寧如穆天子空賦白雲收

同前

李又

水殿臨丹籞山樓繞翠微昔遊人託乘今幸帝垂衣澗  
篠緣峯合巖花逗浦飛朝來江曲地無處不光輝

同前

宋之問

芙蓉秦地沼盧橘漢家園谷轉斜盤徑江迴曲遶源風  
來花自舞春入鳥能言侍宴瑤池夕歸途笳吹繁

三日禁園侍宴

沈佺期

九重馳道出上巳  
禊堂開畫鷁中川動青龍  
上苑來野  
花飄御座河柳拂天杯  
日晚迎祥處笙鏞下帝臺

九日侍宴應制得長字

此詩見一百七十三卷九日門

奉和

一無此二字

九日侍宴應制得時字

蘇頲

嘉會宜長日高遊順動時  
曉光雲半洗晴色雨餘滋  
降鶴因韶德吹花入御詞  
願陪陽數節億萬九秋期

一作微臣



復何幸長  
得奉私恩

此詩一作見歲時雜詠疑是應制原本後編詩集  
八句皆改

中宗降誕日長定公主滿月侍宴應制

李嶠

神龍見像日仙鳳養雛年  
大火乘天正明珠對月圓  
祚暹金篋裏歌奏玉筐前  
今日宜孫慶還參祝壽篇

同前

鄭愔

春殿猗蘭美仙階栢樹榮地逢方節應時觀聖人生月  
滿增祥莢天長發瑞靈南山遥可獻常願奉皇明

歲夜安樂公主滿月侍宴應制

沈佺期

除夜子星迴天孫滿月盃詠歌麟趾合簫管鳳雛來歲  
短常然桂春盤預折梅聖皇千萬壽垂曉御明臺

侍宴桃花園詠桃花應制

李嶠

歲去無言忽顛賴時來含笑吐氛氲不能擁路迷仙客

故欲開蹊待聖君

同前

趙彥昭

紅萼競妍春苑曙  
粉茸新向御筵開  
長年願奉西王宴  
近侍慙無東朔才

同前

徐彥伯

源水叢花無數開  
丹跗紅萼間青梅  
從今結子三千歲  
預喜仙遊復再來

同前

李又

綺萼成蹊遍苑芳  
紅英撲地滿筵香  
莫將秋宴傳王母  
來比春華望聖皇

同前

蘇頌

桃花灼灼有光輝  
無數成蹊點更飛  
為見芳林含露侍  
遂同溫樹不言歸

宿羽亭侍宴應制

見一百七十五  
卷亭門應制

杜審言

白蓮花亭侍宴應制

沈佺期

九日一作月陪天仗三秋幸禁林霜威變綠嶼雲氣落青

岑水殿黃花合山亭絳葉深朱旗夾小徑寶馬駐青溇  
苑吏收寒菓饗人膳野禽承懼不覺暝暹響素秋砧

仙萼亭初成侍宴應制

前人

山中氣色和宸賞第中過輦路披仙掌帷宮拂帝蘿泉  
臨香澗落峯入翠雲多無異登玄圃東南望白河

仙萼池亭侍宴應制

前人

步輦尋丹障行宮在翠微川長看鳥滅谷轉聽猿稀天

磴扶階迥雲泉透戶飛  
閑花開石竹幽葉吐  
薔薇徑狹難留騎  
亭寒欲進衣  
白龜表疑作來獻壽仙吹返彤闈

嵩山石淙侍宴應制

前人

金輿旦下綠雲衢  
彩殿晴臨碧澗隅  
溪水泠泠逐行漏  
山煙片片引香爐  
仙人六膳調神鼎  
玉女三漿捧帝壺  
自昔汾陽紆道駕  
無如太室覽真圖

三陽宮石淙侍宴應制

宋之問

離宮秘苑勝瀛洲  
別有仙人洞壑幽  
崑崙邊樹色含風冷

石上泉聲帶雨秋，鳥向歌筵來。是曲雲依帳，殿結為樓。  
微臣昔忝方明御，今日還陪八駿遊。

麟趾殿侍宴應制

前人

北闕層城峻，西宮複道懸。乘輿歷萬戶，置酒望三川。  
花柳含丹日，山河入綺筵。欲知陪賞處，空外有飛煙。

上陽宮侍宴應制得林字

前人

廣樂張前殿，重裘感聖心。砌蕙霜月盡，庭樹雪雲深。  
舊幄驂宸御，慈恩忝翰林。微臣一何幸，再得聽瑤琴。

侍宴應制

喬知之

紫禁肅晴氛，朱城落曉雲。  
豫遊龍駕轉，天樂鳳簫聞。  
竹外仙亭出，花間輦路分。  
微臣一何幸，詞賦奉明君。

奉和幸上陽宮侍宴應制

前人

紫庭金鳳闕，丹禁玉雞川。  
似立蓬瀛上，疑遊崑閬前。  
鳥將歌合轉，花共錦爭鮮。  
湛露飛堯酒，薰風入舜絃。  
水光搖落日，樹色帶晴煙。  
向夕迴瑤輦，佳氣滿巖泉。

梨園亭子侍宴

喬知之



年光陌上發香輦禁中遊草綠鴛鴦殿花紅翡翠樓天  
盃承露酌仙管雜風流今日陪歡豫皇恩不可酬

守歲侍宴應制

杜審言

季冬除夜接新年帝子王孫捧御筵宮闕星河低拂樹  
殿庭燈燭上薰天彈絲奏管梅風入對局探鉤栢酒傳  
欲向元正歌萬壽暫留歡賞寄春前

故洛陽城侍宴

姚元崇

遊豫停仙蹕登臨對晚晴川息連倒影巖鳥應虛聲野

奏風成曲山居雲作纓今朝丘壑上高興小蓬瀛

春日洛陽城侍宴

前人

南山開寶厯北渚對芳蹊的歷風梅度參差露草低堯  
樽臨上席舜樂下前溪任重由來醉乘酣志轉迷

侍宴曲

前人

雲陛褰珠旆丹墀覆綠楊隔<sub>疑</sub>簾粧隱映向席舞低昂  
鳴佩長廊靜開冰廣殿涼歡餘劔履散同輦入昭陽

醉中侍宴應制

李白

柳色黃金嫩梨花白雪香玉樓巢翡翠珠殿鎖鴛鴦選  
伎隨雕輦徵歌出洞房宮中誰第一飛鷺在昭陽

文苑英華卷一百六十九

欽定四庫全書

文苑英華卷一百七十

宋 李昉等 編

應制三

巡幸一

遊方山二首

至老子廟一首

臨渭源二首

渡淮五首

還京二首

巡遊二首

幸晉陽一首

初發東都一首

幸江都二首

臨洛水四首

途經濮濟二首

春日望海三首

重幸武功一首

過溫湯五首

經破薛舉戰地二首

入潼關二首

秋風函谷應詔一首

驪山高頂寓目九首

幸新豐溫泉宮二首

途經華岳四首

早渡蒲津關四首

侍遊方山應制

沈約

清漢夜昭晷扶桑曉陸離發吹重陽下建羽朝夕池攄

金浮水若聳蹕詔山祇一霑九霄露藜藿終自知

從駕遊山

袁 奭

從天響仙蹕春望動神衷澗水含初溜山花發早叢玉  
輿明淑景珠旗轉瑞風平原與上路佳氣遠葱蔥

至老子廟應詔

庾 信

虛無推馭辨寥廓本乘蜺三門臨苦縣九井對靈溪成  
丹須竹節量藥用刀圭石似臨邛芋芝如封禪泥旄毛  
新鷓小盤根古樹低野戍孤煙起春山百鳥啼路有三

千別途經七聖迷唯當別關吏直向流沙西

臨渭源

隋煬帝

西征乃屆此山路亦悠悠地幹紀靈異同穴吐洪流濫  
觴何足擬浮槎難可儔驚波鳴澗石澄岸瀉巖樓滔滔  
下狄縣森森肆神州長林嘯白獸雲遙想青牛風掃花  
葉散日舉煙霧收直為求人隱非窮轍迹遊

奉和臨渭源應詔

薛道衡

玄功復禹迹至德去湯羅玉關亭障遠金方水石多八

川茲一態萬里尊長波驚流注陸海激浪還天河  
鷹旗歷巖谷龍穴暫經過西老陪遊宴南風起詠歌  
庶品蒙仁澤生靈沐太和微臣惜暮景願駐魯陽戈

早渡淮

隋煬帝

平淮既淼淼曉露復霏霏淮甸未分色泱泱共晨暉  
晴霧轉孤嶼錦帆出長圻潮魚時躍浪沙禽鳴欲飛  
會待高秋晚愁因近水歸

奉和出潁至淮應制

諸葛穎



涉頽倦紆迴浮淮欣迥直遙村含水氣遠浦澄天色靈  
濤稍欲近仙巖行可識玄覽屬睿辭風雲有餘力

同前

蔡允恭

久倦川涂曲忽此望淮圻波長泛淼淼眺回情依依稍  
覺金烏轉漸見錦帆稀欲知仁化洽謳歌滿路歸

同前

弘執恭

睿情欣逸賞臨泛入淮淝棹聲喧岸度帆影出雲飛清  
流含日彩奔浪蕩霞輝還如漳水曲鳴笳啟路歸

同前

虞世南

良晨喜利涉解纜入淮潯  
寒流泛鷁首霜吹響哀吟  
潛鱗波裏躍水鳥浪前沉  
邦溝非復遠悵望悅宸襟

還京師

隋煬帝

東都禮儀舉西京冠蓋歸  
是月春之季花柳相依依  
雲蹕清馳道雕輦御晨暉  
寥亮饒笳奏歲蕤旌旆飛  
後乘趨文雅前驅厲武威

從駕還京

李德林

至仁文教遠惟聖武功宣太師觀六儀諸侯問百年玄  
覽時乘隙訓旅次山川鎮象屯休氣華蓋翼飛煙鼓奏  
千人響旗動七星連峻嶺戈迴日高原馬煦天姑射神  
遊罷蕭關獵騎旋更待東山上看君巡狩篇

從駕巡遊

前人

大夏堯遺俗汾河漢豫遊今隨龍駕往還屬鴈飛秋天  
行肅輦路日馭翼華輶朝乘六氣辨夕動七星流谷靜  
禽多思風高松易秋遠林才有色暹水漫無流京華佳

麗所目極與雲浮但靚凌霄觀詎見望仙樓璫門皆秀  
發駕池盡覺優侍君草封禪東山觀射牛

從駕天池應詔

薛道衡

上聖家寰寓威畧振邊陲八維窮眺覽千里轉旌旗駕  
龜臨碧海控驥踐瑤池曲浦騰煙霧深浪駭鯨螭

從駕幸晉陽

前人

省方遵往冊遊豫叶前經金吾朝戒道校尉晚巡營重  
巖下飛騎絕浦渡連旌澗水寒逾咽松風遠更清方觀

翠華反簪筆上雲亭

初發東都應詔

庾自直

二龍乘玉軸萬騎翊林塘縱觀此何事巡駕幸維揚伊  
雒山川轉江湖道路長昭日秋源淨分花曲水香稻梁  
叨歲月羽翮仰恩光後塵歸舊里還如仙鶴翔

奉和幸江都應詔

虞茂

巡幸光帝典征吉乃先天澤國翔宸駕水府泛樓船七  
萃長榮薄三翼亘通川夙興大昕始求衣昧旦前澄瀾

浮曉色暹林卷宿煙晨霞稍含景落日漸虧弦迴塘響  
歌吹極浦望旌旃方陪覲東后登封禪肅然

同前

虞世南

南國行周化稽山秘夏圖百王豈殊軌千載叶前謨肆  
覲遵時豫順動悅來蘇安流浮玉軸戒道翼金吾龍旗  
煥辰象鳳吹溢川塗封唐昔敷錫分陝被荆吳沐道成  
知讓遵儀允美都冬律初飛管陽鴈正銜蘆嚴飈肅林  
薄愛景落江湖鴻秋泱幽遠厚澤潤凋枯虞琴起歌詠

漢筑動巴歛多幸沾行常無庸類散樗

臨洛水

唐太宗

春蒐馳駿骨總轡俯長河霞處流雲錦風前漾卷羅水  
花翻照樹堤蘭倒挿波豈必汾陰曲秋雲發棹歌

奉和受圖溫洛

蘇味道

綠綺膺河檢青壇俯洛濱天旋俄制蹕孝享屬嚴禋陟  
配光三祖懷柔泊百神霧開中道日雲歛屬車塵預奉  
咸英奏長歌億萬春

同前

牛鳳及

八神承玉輦六羽警瑤溪戒道伊川北通旌澗水西御  
圖開洛匱刻石與天齊瑞日波中上仙禽霧裏低微臣  
矯弱翮抃舞接鸞鷲

奉和拜洛

李嶠

七萃鑿輿動千年瑞檢開文如龜負出圖似鳳銜來殷  
薦三神享明祠萬國陪周旗黃鳥集漢幄紫雲迴日暮  
鈎陳轉清歌上帝臺



奉和展禮岱宗塗經濮濟

蕭楚材

拂漢星旗轉分宵日羽明將追會阜跡更勒岱宗銘林  
戈明濟岸獸鼓震河庭葉箭凌寒矯烏弓望曉驚已降  
汾水作仍深迎渭情

同前

薛堯構

龍圖冠胥陸鳳駕指云亭非烟泛濟浦綠宇啓河汀畫  
常晨應月文戟曙分星四海巡揖禮三驅道契經行欣  
奉萬歲竊拊偶千齡

春日望海

唐太宗

披襟眺滄海憑軾翫春芳積流橫地紀疏派引天潢仙  
氣凝三嶺和風扇八荒拂潮雲布色穿浪日舒光照岸  
花分彩迷雲鴈斷行懷卑運深廣持滿守靈長有形非  
易測無源詎可量洪濤經變野翠島屢成桑之果思漢  
帝碣石想秦皇霓裳非本意端拱且圖王

奉和同前

楊師道

春山臨渤海征旅輟晨裝迴瞰盧龍塞斜瞻肅慎鄉洪

波迴地軸孤巖映雲光落日驚濤上浮天駭浪長仙臺  
隱螭駕水府泛鼇梁碣石朝煙滅之果歸鴈翔北巡非  
漢后東幸異秦皇塞旌羽林客跋距少年塲龍擊驅遼  
水鵬飛出帶方將舉青邱繳安訪白霓裳

同前

許敬宗

韓夷憊奉賫憑險亂天常乃神弘廟略橫海剪吞航電  
野清玄菟騰笳振白狼連雲飛巨艦編石架浮梁周遊  
臨大壑降望極遐荒桃門通山扞蓬渚降霓裳驚濤含

蜃闕駭浪掩晨光青邱絢春組丹谷耀華桑長驅七萃  
卒成功百戰場俄且旋戎路飲至肅巖廊

重幸武功

唐太宗

代馬依翔吹驚禽愁昔藂况茲承睿德懷舊感深衷積  
善欣餘慶暢武悅神功垂衣天下治端拱車書同白水  
巡前跡丹陵幸舊宮列筵歡故老高宴聚新豐駐蹕撫  
田畷迴輿訪牧童瑞氣縈丹闕祥煙散碧空孤與含霜  
白遙山帶日紅於馬歡擊筑聊以詠南風

過溫湯

前人

溫渚亭仙蹕豐郊駐曉旌  
路曲迴輪影巖虛傳漏聲  
暖溜驚湍駛寒空碧霧輕  
林黃踈葉下野白曙霜明  
眺聽良無已煙霞斷續生

奉和同前

越王真

鳳輦騰宸駕驪藥次乾遊  
坎德踈溫液山隈派暖流  
寒氛空外擁蒸氣沼中浮  
林凋帷影散雲歛蓋陰收  
霜郊暢玄覽參差落景道

同前

前人

握圖開萬寓屬聖啟千年驪阜疏緹綺驚鴻映綵旃玉  
霜明鳳野金陣藻龍川祥煙聚危岫熊水溢飛泉停輿  
興睿覽還舉大風篇

同前

楊思玄

豐城觀漢迹温谷幸秦餘地接幽王壘塗分鄭國渠風  
威肅文衛月彩鏡雕輿遠岫凝氛重寒松對影踈迴瞻  
漢章闕佳氣滿宸居

同前

鄭義真

洛川方駐蹕豐野暫停鑿湯泉恒獨涌温谷豈知寒漏  
鼓依巖畔相風出樹端嶺煙遥聚草山月迫臨鞍日用  
誠多幸天文遂仰觀

經破薛舉戰地

唐太宗

昔年懷壯氣提戈初仗節心隨朗日高志與秋霜潔移  
鋒驚電起轉戰長河決營碎落星沉陣卷橫雲裂一揮  
氛沴靜再舉鯨鯢滅於茲俯舊原屬目駐華軒沈沙無

故迹滅竈有殘痕浪霞穿水淨峯霧拖蓮昏世途亟流  
易人事殊今昔長想眺前蹤撫躬聊自適

奉和行經破薛舉戰地應詔 許敬宗

混元分大象長策挫脩鯨於斯建宸極由此創鴻名一  
戎乾宇泰丰祀德流清垂衣凝庶績端拱鑄羣生復整  
瑤池駕還臨官渡營周遊尋曩迹曠望動天晴帷宮面  
丹浦帳殿矚宛城虜塲栖九穗前歌被六英戰地甘泉  
涌陣處景雲生普天沾凱澤相携欣頌平



入潼關

唐太宗

峻函稱地險襟帶壯兩京  
霜峯直臨道水河曲遶城古  
木參差影寒猿斷續聲冠蓋往來合風塵朝夕驚高談  
先馬渡偽曉預雞鳴棄繻懷遠志封泥負壯情尚有真  
人氣安知名不名

奉和同前

許敬宗

曦馭循黃道星陳引翠旗  
濟潼紆萬乘臨河耀六師前  
旌彌陸海後騎發通伊勢  
踰迴地軸威威轉天機是節

歲窮絕關樹蕩涼颺仙霧含靈掌瑞鼎照川湄冲襟賞  
臨悅衛詠入京畿

秋風函谷應詔

徐賢妃

秋風起函谷朔氣動河山偃松千嶺上雜雨二陵間低  
雲愁廣隰落日慘重關此時飄紫氣應驗真人還

登驪山高頂寓目

唐太宗

四郊秦漢國八水帝皇都閭閻雄里閭城闕壯規模貫  
渭稱天邑含岐實奧區金門披玉館因此識皇圖

奉和登驪山高頂寓目應制 李 嶠

步輦陟山巔，高山入紫煙。  
忠臣還捧日，聖后欲捫天。  
迴識平陵樹，低看華岳蓮。  
帝鄉應不遠，空見白雲懸。

同前

劉 憲

驪阜鎮皇圖，鑿遊眺八區。  
原隰旌門裏，風雲入座隅。  
直城如斗柄，宮樹似星榆。  
從臣詞賦末，濫得上天衢。

同前

趙彥昭

皇精遍九垓，御輦駐昭回路。  
若隨天轉，人疑近日來河。

看大禹鑿山見巨靈開願扈封鑿駕常持薦壽杯

同前

蘇頌

仙蹕御層氲高高積翠分崑聲中谷應天語半空聞豐  
樹連黃葉函關入紫雲聖圖恢寓縣歌賦小橫汾

同前

崔湜

名山河壯哉玄覽一徘徊御路穿林轉旌門倚石開煙  
雲春後發河塞掌中來不學蓬壺遠經年猶未迴

同前

前人

翠巘萬尋懸，居高蔽御筵。行戈疑駐日，步輦若昇天。城闕霧中近，關河雲外連。謬陪登弁駕，忻奉濟汾篇。

同前

武平一

鑿輿上碧天，翠帟拖晴煙。絕萼紆仙逕，層巖蔽御筵。雲披丹鳳闕，日下黑龍川。更覩南薰奏，流聲入管絃。

同前

張說

寒山入半空，眺臨盡闕中。是日巡遊處，晴光遠近同。川明分渭水，樹暗辨新豐。巖壑清陰暮，天歌起大風。

幸新豐溫泉宮應制

徐彥伯

姬典歌時邁，虞編記省方。  
何如黑帝月，玄覽白雲鄉。  
翠仗縈船庫，明旆應蒼陽。  
風搖花旄彩，雪艷寶戈芒。  
御栢開油次，離宮夾樹行。  
桂枝籠驪裏，松葉覆堂皇。  
仙女含珠液，溫池孕璧房。  
湧疑神瀆澆，滄若帝臺漿。  
獨沸流常熱，潛蒸氣轉香。  
青坻壞疑作環玉甃，紅淀鑠金光。  
藻耀凝芳潔，歲蕤獻淑祥。  
五龍歸寶筭，九鳳叶時康。  
同預華封老，中衢祝聖皇。

同前

武平一

秦王登碣石周后襲崑崙何必稱遐遠方稱萬寓尊我  
皇順時豫星駕動軒轅雄戟交馳道清笳度國門迴輿  
長樂觀校獵上林園行漏移三象連營搃八屯旌搖鷲  
鷁谷騎轉鳳凰原絕壁蒼苔古靈泉碧溜溫參差開水  
殿窈窕敞巖軒豐邑模猶在驪宮跡尚存煙松銜翠幄  
雪逕遶花垣侍從推玄草文章負武賁深仁浹夷夏大  
造溢乾坤謬忝王枚列多慙雨露恩

途經華嶽

唐玄宗

飭駕去京邑鳴鑾指洛川  
循途經太華迴蹕周旋翠  
嶠留斜影懸巖凝夕煙  
四方皆石壁五位配金天  
髻鬢看高掌依稀聽子先  
終當銘歲月從此記靈仙

奉和途經華嶽應制

張說

西嶽鎮皇京中岑入太清  
玉鑿重嶺應緹騎薄雲迎  
霽日懸高掌寒空映削成  
軒遊會神處漢幸望仙情  
舊廟青林古新碑綠字生  
羣臣願封岱迴駕勒鴻名



同前

張九齡

萬乘華山下千巖雲漢中靈宮雖奧密睿覽忽玄同日  
月臨高掌神仙仰大風攢峯勢岌岌翊輦氣熊熊揆物  
知幽贊銘勲表聖衷會應陪玉檢來此告成功

同前

蘇頲

朝望蓮花嶽神心就日來晴觀五千仞仙掌拓山開受  
命金符叶過祥玉瑞陪霧披乘鹿見雲起馭龍迴偃樹  
枝封雪殘碑石冒苔聖皇惟道契文字勒巖隈

早渡蒲津關

唐玄宗

鐘鼓嚴更曙山河野望通  
鳴鑿下蒲阪飛旆入秦中  
地險關逾壯天平鎮尚雄  
春來津樹合月落戍樓空  
馬色分朝景雞聲逐曉風  
所希常道泰非復候繻同

奉和早渡蒲津關應制

張說

蒲坂橫臨晉華芝曉望秦關城  
雄地險橋路扼天津樓  
映行宮日隄含宮樹春黃雲  
隨寶鼎紫氣逐真人東詠  
唐虞跡西觀周漢塵山河非國寶  
明主愛忠臣

同前

徐安貞


仙掌臨秦甸虹橋闢晉關兩鄉分地險一曲渡河灣路  
得津門要時稱古戍聞城花春正發岸柳曙堪攀後乘  
猶臨水前旌欲換山長安回望日宸御六龍還

同前

張九齡

魏武中流處軒皇問道迴長堤春樹發高掌曙雲開龍  
負王舟渡人占仙氣來河津會日月天仗役風雷東顧  
重關盡西馳萬國陪還聞股肱郡元首詠康哉

文苑英華卷一百七十



欽定四庫全書

集部

文苑英華卷一百七十一至一百七十四

詳校官內閣學士臣瑞保

助教臣常循覆勘

總校官進士臣朱鈐

校對官中書臣高中

謄錄監生臣張恆

扈從迴鑾頓一首

登會昌山二首

扈從酬和十二首

早登太行山中言志

唐玄宗

附見張說集

清蹕渡河陽凝茄上太行火龍鳴

集作明

鳥道鐵騎遶羊

腸非

集作白

霧埋陰壑丹霞助曉光澗泉含宿凍山木

集作

草

帶餘霜野老茅為屋樵人薜作裳宣風問耆艾敦俗

勸耕桑涼德慙先哲徽猷慕昔皇不因今展義何必冒

垂堂

欽定四庫全書

文苑英華卷一百七十一 宋 李昉等 編

應制四

巡幸二

扈從附

早登太行山六首

瓊岳頌三首

經河上公廟四首

南出雀鼠谷十二首

行次成臯四首

早發三鄉山行

初出洛城一首

謁玄元廟一首

經鄒魯廟三首

行至溫湯七首



奉和聖製早登太行山中言志應制

張說

六龍鳴玉鸞

集作鸞

九折步雲端河絡

集作卷

南浮近山經

北上難羽儀映松雪戈甲帶春寒百谷晨茄動千巖曉  
仗攢皇心感韶節敷藻念人安既立省方館復建禮神  
壇扈蹕參天老承榮忝夏官長勤百年意思見一勝殘

同前

張嘉貞

明發扈山顛飛龍高在天山南平對鞏山北遠通燕贍

彼岡巒峻馮茲士馬妍九旂行若砥萬谷輾如川羅網  
開三面閭閻問百年澤將春雪比文共曉星連後后逢  
今聖登台謝曩賢唯餘事君節不讓古人先

同前

張九齡

孟月攝提貞乘時我后征宸嚴九折度暮戒六軍行日  
御馳中道風師卷太清戈鋌林表出組練雪間明動植  
希皇豫高深奉睿情陪遊七聖列望幸百神迎氣色烟  
猶喜恩光草尚榮之杲稱萬歲今此復同聲

同前

蘇頌

北山東入海，馳道上連天。  
順動三光注，登臨萬象懸。  
俯觀河內邑，平指洛陽川。  
按蹕夷關險，張旗巨井泉。  
曉嚴中警折，春事下蒐畋。  
德重周王問，歌輕漢魏集作后傳宸。  
遊鋪令典睿，思起芳年願。  
以封書奏迴，鑾禪肅然。

同前

苗晉卿

金吾戒道清，羽騎動天聲。  
砥路方南絕，重巖始北征。  
關樓前望遠，河邑下觀平。  
喜氣迴輿合，祥風轉旆輕。  
祝堯

三老至會禹百神迎月令農先急春蒐禮後行仍親后  
土祭更理晉陽兵不似勞車轍空留八駿名

奉和次瓊岳頌應制

張九齡

見集本

山祇亦望幸雲雨見靈心岳館逢朝霽關門解宿陰咸  
京天上近清渭日邊臨我武因冬狩何言是即禽

同前

李林甫

東幸從人望西巡順物回雲收二華出天轉五星來十  
月農初罷三驅禮復開更看瓊岳上嘉氣接神臺

同前

韋濟

陸海披晴雪千旗獵早陽岳臨秦路險河繞漢垣長行  
漏通鳩鵲離宮接建章都門信宿近歌舞扈周王

經河上公廟

唐玄宗

附見張說集

昔聞有耆叟河上獨遺榮跡與囂塵隔心將道德并詎  
以天地累寧為寵辱驚矯然翹集作翔寥廓如何屈堅貞

玄玄妙門啓肅肅祠宇清冥漠無先後那能紀集作記姓

名

奉和經河上公廟應制

張說

見集本

河上無名老知非漢代人先探道德要留待聖明辰玄  
妙為天下清虛用谷神化將和氣一風與太初隣靈廟  
觀遺象仙歌入至真皇心齊萬物何處不同塵

同前

張九齡

昔日

集作  
者

河邊叟誰知隱與仙姓名終不識章句此空

傳跡為坐忘悔言由強著宣精靈竟何所祠宇獨依然  
道在紆宸眷風行動睿篇從茲化天下清淨復何先

同前

蘇頌

河流無日夜河上有神仙輦路常經此壇場即宛然下

疑成洞穴高若在空中烟善物遺方外和光繞集作枕道邊

事因周史得言向集作與漢皇傳喜屬膺期聖邦家業又

玄

扈從南出雀鼠谷

張說見集本

豫動三靈贊時巡四海威破關凌曙出平路半春歸霍  
鎮迎雲罕汾河送羽旂山南柳半密谷北草全稀遲日

宜華蓋和風入夾衣上林千里近應見百花飛

答張說南出雀鼠谷

唐玄宗

雷出應

集作  
齊

乾象風行訓

集作  
順

國人川途猶在晉車馬

漸歸秦背硤

集作  
陝

關山險橫汾鼓吹震

集作  
頻

草依陽谷

變化待北巘春聞有鸞鸞客清詞雅調新求音思欲報  
心跡竟難陳

自此篇至趙冬曦共十一首並附見張說集

奉和聖製答張說南出雀鼠谷 宋璟



秦地雄西夏并州近北胡禹行山啓路王在邑為都忽

見

集作  
視

寒暄隔深思險易殊四時宗伯叙六義宰臣鋪

徵作宮嘗應星環日每紆盛哉逢合道良以致亨衢

同前

蘇頌

雨施巡方罷雲從訓俗迴密途汾水衛清蹕晋郊陪寒

看

集作  
著

山邊靜

集作  
盡

春當日下來御祠玄鳥應仙仗綠

楊開作頌音傳雅觀文色動台更知西向樂宸藻叶鹽

梅

同前

王立

襟帶三秦接旂常萬乘過陽源淑氣早陰谷沍寒多花

緝前茅仗霜嚴後殿戈代

集作戈

雲開晉嶺江鴈入汾河

北土分堯俗南風動舜歌一聞天樂唱恭遜萬人和

同前

素暉

魏國山河險周王警蹕迴九旗雲際出萬騎谷中來石  
岸行將盡烟郊望忽開賞矜垂柳拂春畏落花催興逸  
橫汾體恩褒作頌才小臣瞻日月延首詠康哉

同前

崔翹

硤路繞河汾晴光拂曙氛  
茄吟中嶺樹仗入半峯雲  
頓覺山原盡平看邑里分  
早行芳草遠集作未晚憇好風薰

嘉頌推英宰春遊扈聖君  
共欣乘睿渥日月照天文

同前

張九齡

設險諸侯地承平聖主巡  
東君朝二月南旆擁三辰  
寒出重關盡年隨行漏  
新瑞雲叢捧日芳樹曲  
迎春舞詠先馳道恩華及近集作從臣汾川花鳥意併捧屬車塵

同前

王光庭

省俗恩將遍，巡方路稍迴。寒隨汾谷盡，春逐晉郊來。雲

騎傳行漏，烟旄引從臺。惠風初應律，和氣正調梅。雅頌

通宸詠

集作禁

天文接曙陪

集作台

灞陵桃李色，應待日華

開

同前

席豫

鳴鸞初幸代，旋蓋欲橫汾。山盡千旗出，郊平五校分。前

林已暄景，後壑尚寒氛。風送蕭韶曲，花迎

集作鋪

黼黻文

鹽梅推上宰禮樂統中軍獻賦紆天札飄颻飛白雲

同前

梁昇卿

何意重關道千年遇聖皇幽林承睿

集作惠

澤間谷見清

光日御先途遠山靈獻壽長寒雲入晉薄春樹隔汾香  
國佐同時雨天文屬歲陽從來漢家盛未若此巡方

同前

趙冬曦

軒轅膺

集作應

順動力牧正趨陪道合殷為礪時行楚有

材省方西禮設振旅北京

集作方

迴地理分中壤天文照

上台寒依汾谷去春入晉郊來竊比康衢者長歌仰大哉

行次成臯途經先聖擒建德之所緬思

集作懷

功

業感而賦詩

唐玄宗

附見張說集

有隋政昏虐羣雄已交爭先聖按劍起叱咤風雲生飲馬河洛竭作氣嵩華驚克敵睿圖就擒俘帝道亨顧慙嗣寶歷恭承天下平幸過翦鯨地感慕神且英

奉和行次成臯應制

張說

見集本

夏氏階隋亂自言河朔雄王師進穀水兵氣臨山東前  
掃成臯陣却下洛陽宮義合帝圖起威加天宇同軒臺  
百年外虞典一巡中戰龍思王業倚馬賦神功

同前

張九齡

天命誠有集王業初惟艱剪商自文祖夷項在茲山地  
識斬蛇處河臨飲馬間威加昔運往澤流今聖還尊祖  
頌光集作先烈賡歌安用攀紹成即我后封岱出天關

同前

蘇頌

漢東不執象河朔方鬪龍夏滅漸寧亂唐興終奮庸皇  
威正赫赫兵氣何凶凶用武三川震歸淳六代釀成臯  
親王業天下致人雍集作  
邕即此巡于岱曾孫受命封

奉和早發三鄉山行應制 張九齡

羽衛森森西向秦山川歷歷在清晨晴雲稍卷寒崑樹  
宿雨微消御路塵微集  
作能聖德由來合天道靈符即此應  
時巡遺賢一一皆羈致猶欲高深訪隱淪

奉和聖製初出洛城 前人



東土淹龍駕西人望翠華山川祇徇

集作  
詢

物宮觀豈為

家十月迴星斗千宮捧日車洛陽無怨思巡幸更非賒

奉和謁玄元皇帝廟齋應制 前人

興運昔有感建祠北山巔雲雷初締構日月今悠然紫

氣尚葱

集作  
蒨

鬱玄元如在前迨茲事追遠輪奐復增鮮

洞府香林處齋壇清漢邊吾君乃尊祖夙駕此留連樂  
動人神會鐘成律度圓笙歌下鸞鶴芝草聚靈仙曾是  
福黎庶豈唯味虛玄賡歌徒有作微薄謝昭宣

經鄒魯祭孔子而歎之

唐玄宗

附見張  
說集

夫子何為者栖栖一代中地猶鄒氏邑宅即魯王宮嘆  
鳳嗟身否傷麟怨道窮今看兩楹奠當與夢時同

奉和聖製經鄒魯祭孔子而嘆應制

張

說

見集  
本

孔聖家鄒魯儒風藹典墳龍駟過舊宅鳳德咏餘芬入  
室神如在昇堂樂似聞懸知一王法今日待明君

奉和經孔子舊宅應制

張九齡

見集  
本

孔門太山下不見登封時徒有先王法令為明主思思  
加萬乘幸禮致一牢祠舊宅千年外光華空在茲

惟此溫泉是稱愈疾豈予獨受其福思與兆人  
共之也乘暇巡遊乃言其志

唐玄宗

附見張  
說集

桂殿與山連蘭湯湧自然陰崖含秀色溫谷吐潺湲績  
為躅邪著功因養正宣願言將億兆同此共昌延

奉和溫泉言志應制

張說

溫谷媚新豐驪山橫半空湯池薰水殿翠木暖烟宮起

疾逾仙藥

集作迎  
仙操

無私合聖功始知堯舜德心與萬人

同

扈從溫泉宮獻上

集作  
詩

前人

溫泉啓蟄地氤

集作  
氤

渭浦歸鴻日數羣騎仗聯聯環

北極鳴笳步步引南薰林間綵殿籠佳氣山上朱旗繞

瑞雲不知遠望華胥國何如親奉帝堯君

宿直溫泉宮羽林獻上

集作  
詩

前人

冬狩美秦正新豐樂漢行星沉玄武閣月對羽林營寒  
木羅霜仗空山響夜更思承靈液暖節效古松貞文武  
皆王事輸心不為名

雜言奉和聖製溫泉歌

張九齡

有神物待聖人去後溫還冷來時樹亦春今茲十月自  
東歸羽旆逶迤上翠微溫谷葱蔥佳氣邑離宮奕奕斗

光輝臨渭川近天邑浴日湯

集作  
溫

泉復在茲羣仙洞府

那相及吾君利物心玄澤浸蒼黔漸清神湯無疾苦薰

歌一曲感人深

幸鳳泉湯

唐玄宗

附見張說集

西狩觀周俗南山歷漢宮薦鮮知路近省飲覺年豐  
陰谷含神變湯泉養聖功益齡仙井合愈疾醴源通不重  
鳴岐鳳誰矜陳寶雄願將無限澤霑沐衆心同

奉和幸鳳泉湯應制

張說

周狩聞

集作

岐禮秦都辨鳳

集作

名獻禽天子孝存老

聖皇

一作

情溫潤宜冬幸遊畋樂歲成湯雲出水殿煖

氣入山營坎意無私劫乾心稱物平帝歌流樂府溪谷  
也增榮

扈從迴鑾頌應制

蕭華

粵自秦京日議乎封禪難豈知陶唐主道濟蒼生安惟  
彼烈祖事增修實榮觀聲名朝萬國玉帛禮三壇慕聖  
德重光建元功載刊仍聞舊馳道不記昔迴鑾羽衛搖  
晴日弓戈生早寒猶思檢玉處却望白雲端

奉和登會昌山應制

孫逖

巖磴列雲旗，吾君訪道時。乾行萬物覩，日馭集作六龍

駐

遲望遠，迴天願。登高動睿詞，願同山作壽。長保運昌期。

同前

趙起

睿想入希夷，真游到具茨。玉鸞登陣遠，雲輅出花遲。泉壑凝神處，陽和布澤時。六龍多順動，四海正雍熙。

扈從

和周記室從駕曉發合璧宮 李嶠

濯龍春苑曙，翠鳳曉旗舒。野色開烟後，山光澹月餘。風



長笳響咽川迴騎行踈珠履陪仙駕金聲動萬車

扈從還洛呈侍從羣臣

前人

四海帝王家兩都姬漢室觀風昔來幸御氣今旋蹕雷

奮六合開天行萬乘出玄真

疑作冥

奉時駕白帝參戎律

後隊鳴笳蕭前驅嚴罽輝光射東井號令橫西秩帳

殿別陽春旌門臨甲乙將交洛城雨稍遠長安日洛鞞

雲外來咸秦霧中失孟冬霜霰下是月農功畢天道向

歸餘皇情美陰隲行存名岳禮遮問高年疾祝烏既開

羅調人更張瑟登原採謳誦俯谷求才術邑罕懸罄貧  
山無掛瓢逸施恩泱寰宇展義詠文質德澤盛軒遊哀  
矜深禹恤申歌地廬駭獻壽衢樽溢瑞氣抱氤氳祥颺  
變蕭颺宗枝旦稟輔侍從王劉匹並輯蛟龍書同簪鳳  
凰筆陶甄荷吹萬頌勸歸明一歡與道路長顧隨談笑  
窈叨承廊廟舉謬齒夔龍弼意屬大厦成慙非棟隆吉  
扈從溫泉同紫微黃門羣公泛渭川得齊字

蘇頌

紅旗映綠萋春仗

一作統

漢豐西侍蹕扶清道揚舠降紫

泥近臨鈞石地遥指鈞璜溪岸轉帆飛疾川平棹舉齊  
傳舟來是用軒馭徃應迷興闋菱歌動沙洲亂夕鷺

奉和扈從溫泉宮承恩賜浴 蔡希周

天行雲從指驪宮浴日餘波錫詔同綵殿氤氳擁香溜  
紗窓宛轉閉春風來將蘭氣衝皇澤去別星文捧碧空  
自憐遇坎便能止願托仙槎路未通

和僕射晋公扈從溫湯

王維

天子幸新豐旌旗渭水東寒

一作遠

山天仗裏溫谷幔城

中奠玉羣仙坐薰

一作焚

香太乙宮出遊逢牧馬罷獵有

非熊上宰無為化明時太古同靈芝三秀紫陳粟萬箱

紅玉醴尊

某作王禮遵

儒教天兵小戰功謀猷歸哲匠詞賦

屬文宗司諫方無關陳詩且未工長吟吉甫頌朝夕仰

清風

此詩二百四十二卷重出今已削去注異同為一作

奉和季員外從駕幸湯

一作溫

泉宮

錢起

未央月曉度踈鐘步

集作  
鳳

輦時從出九重雨

集作  
雪

霽山

門迎瑞日雲開水殿候飛龍輕寒不入宮中樹佳氣嘗

薰仗外峯遙羨枚臯扈僊

集作  
先扈

蹕偏承霄漢渥恩濃

扈從鳳泉和崔黃門喜恩旨解嚴罷圍之作

蘇頲

輦路岐山曲儲胥渭水湄教成提將鼓禮備植虞旗不

取從畋樂

集作  
敬

先流去殺慈舜韶同舞日湯祝盡飛時

物應陽和施人知雨露私如何穆天子七萃幾勞師

扈從鄠杜間奉呈刑部尚書舅黃門馬常侍

前人

見本集

翠輦紅旗出帝京長楊鄠杜昔知名雲山一一看皆異  
竹樹叢叢盡不成羽騎相過持袂拂香車欲度卷簾行  
漢家曾草巡遊賦何似今來扈聖明

和姚令公從幸溫湯喜雪

張九齡

見本集

萬乘飛黃馬千金狐白裘正逢銀霰積如向玉京遊瑞

色鋪馳道花文拂綵旒願聞吉甫頌不共郢歌儔

扈從溫泉奉和姚令公喜雪 蘇頲

清道豐人望乘時漢主遊恩暉隨霞下慶澤與雲浮泉

暖驚銀

集作雲

磧花寒愛玉樓鼎臣今有問河伯且應留

侍從游宿溫湯宮作 李白

羽林十二將羅列應星文霜仗懸秋月蜺旌卷夜雲嚴  
更千戶肅清樂九天聞日出瞻佳氣叢叢繞聖君

扈從御宿池 祖詠

君王既巡狩輦道入秦京  
遠樹低槍壘孤峰入幔城  
寒踈清禁漏夜警羽林兵  
誰念迷方客常懷魏闕情

文苑英華卷一百七十一



欽定四庫全書

文苑英華卷一百七十二 宋 李昉等 編

應制五 歲時一

元日八首 人日十二首

上元一首 晦日二首

春二首 寒食四首

仲春一首 中和節一首

上巳二十二首 夏三首

秋十一首

元日

獻歲讌宮臣

隋煬帝

三元建上京六佾宴吳城  
朱庭容衛肅青天春氣明朝  
光動綵劍長階分佩聲  
酒闌鐘磬息欣覩禮樂成

自煬帝至晦日門魏收共二十三首並見歲時雜詠

奉和獻歲讌宮臣

虞世南

履端初啓節長苑命高筵肆夏喧  
金奏重潤響朱絃絲

光催柳色日彩泛槐烟微臣同溫吹謬得仰鈞天

奉和元日

蕭愨

帝宮通夕燎天門拂曙開瑞雲生寶鼎榮光上露臺華  
山不凋葉宜城萬壽杯遙見飛鳧下懸知鄴縣來

元日

唐太宗

高軒暖春色邃閣媚朝光彤庭飛彩牕一作翠幌耀明

飾

翠幌耀明

璫恭已臨四極垂衣馭八荒霜戟列丹陛絲竹韻長廊  
穆矣薰風茂康哉帝道昌繼文遵後軌循古鑒前王草

秀故春色梅艷昔年粧巨川思欲濟終以寄舟航

奉和元日應制

許敬宗

天正初開節日觀上重輪百靈滋景祚萬玉

雜詠  
作上

慶維

新待旦敷玄造韜旒御紫宸武帳臨光宅文衛象鈞陳  
廣廷揚九奏大帛麗三辰發生同化育播物體陶鈞霜  
空澄曉氣霞景瑩芳春德暉覃率土相賀奉還淳

元日恩賜栢葉

一作  
枝

應制

趙彥昭

器乏雕梁器材非構厦材但將千載葉常奉萬年杯

同前

李又

勁節凌冬

雜詠  
作霜

勁芳心待歲芳偏

雜詠  
作能

今人益壽非止

麝含香

同前

武平一

綠葉迎春綠寒枝歷歲寒願持栢葉壽永奉萬年歡

人日

人日重

雜詠  
作侍

宴大明宮恩賜綵縵人應制

李嶠

鳳城景色已含韶  
人日風光倍覺饒  
桂吐半輪迎此夜  
莫開七葉應今朝  
魚猜水凍行猶澁  
鷺喜春熙弄欲嬌  
愧奉登高搖綵翰  
欣承雜詠  
作逢御氣上丹霄

同前

趙彥昭

寶契無為屬聖人  
珎輿出幸翫芳晨  
平樓半入南山霧  
飛閣一作  
閣旁臨東野春  
夾路桃花千樹發  
垂軒弱柳萬條新  
處處風光今日好  
年年願奉屬車塵

同前

劉憲

紫苑韶年此日歸東郊道上轉青旂柳色梅芳何處所  
風前雪裏覓芳菲開冰池內魚新躍剪綵花間鶯始飛

欲識君

一無此字

王遊幸

一有陽字

氣為觀天藻競春暉

同前

崔日用

新年宴樂正

雜詠作坐

東朝鐘鼓鏗鎗大樂調金屋瑤筐開

寶勝花牋彩筆頌春椒曲池苔色冰前液上苑梅開雪  
裏嬌宸極此時飛聖藻微臣竊朴預聞韶

同前

韋元旦

鸞鳳旌旂

雜詠  
作旂

拂曉陳魚龍角觝大明辰青韶既肇人

為日綺勝初成日作人聖藻陵高裁栢賦仙歌促宴摘  
梅春垂旒一慶宜年酒朝野俱歡獻壽新

同前

馬懷素

萬宇千門平旦開天容辰象列朝回三陽候節金為勝  
百福延祥玉作杯就暖風光偏著柳辭寒雪影半藏梅  
何幸得參詞賦職自憐終乏馬卿才

同前

蘇頲



䟽龍磴道切朝回建鳳旗門繞帝臺七葉仙瑩承

雜詠  
作依

月吐千株御柳拂烟開初年競帖宜春勝長命光

雜詠  
作先

浮獻壽杯是日最靈知竊幸羣心就捧大明來

磴雜詠  
作澄

同前

李又

詰旦行春上苑中憑高御下大明宮千年執象寰瀛泰  
七日為人慶賞隆鐵鳳曾騫搖瑞雪銅烏細轉入祥風  
此時朝野歡無算此歲雲天樂未窮

同前

鄭愔

瓊殿含光映早輪  
玉鸞嚴蹕望初晨  
池開凍水仙宮麗  
樹發寒花禁苑新  
佳氣徘徊籠細網  
殘雲浙瀝染輕塵  
良時荷澤皆迎勝  
窮谷晞陽猶未春

同前

李適

朱城待鳳韶年至  
碧殿蟠龍淑氣來  
寶帳金屏人已帖  
圖花學鳥勝初裁  
林香近接宜春苑  
山翠遙添獻壽杯  
向夕憑高風景麗  
天文垂曜象昭回

蝓雜詠  
作疏

同前

閻朝隱

幻芒人面乘兩龍道是春神衛九重綵勝年年逢七日  
醱釀歲歲滿千鍾宮梅間雪祥光徧城柳含烟瑞氣濃  
醉倒君前情未盡雜詠  
作已願因歌舞自為容

同前

沈佺期

拂旦鷄鳴仙衛陳憑高龍首帝庭春千官黼帳杯前壽  
百福香奩勝裏人山鳥初來猶怯轉林花未發已偷新  
天文正應韶光轉設報懸知用此辰

上元

正月十五日應制

孫逖

洛城

離詠  
作陽

三五夜天子萬年春  
彩仗移雙闕  
瓊筵會九

賓舞成倉頡字燈作法王  
輪不覺東方白  
筵隨御柳新

晦日

晦日泛舟應詔

盧元明

又見初  
學記

輕灰吹上管落葉飄下蒂  
遲遲春色華  
晚晚年光麗

同前

魏

收

又見初  
學記

裊裊春枝弱  
關關新鳥呼  
棹唱忽逶迤  
菱歌時顧慕  
容

賞芳月色宴言忘日暮遊豫慰人心照臨康國步

春

早春桂林殿應詔

陳叔達

金鋪照春色玉律動年華朱樓雲似蓋丹桂雪如花  
水  
岸銜塔轉風條出柳斜輕輿臨太液湛露酌流霞

同前

上官儀

步輦出披香清歌臨太液曉樹流鶯滿春堤芳草積風  
色翻露文雪華上空碧花蝶來未已山光曖將夕

寒食

初入秦川

一作州

路逢寒食

唐玄宗

附見張說集及

歲時雜詠

洛川芳樹映天津  
灞岸垂楊翠地新  
直為經過行處樂

不知虛度兩京春  
去年餘閏

雜詠作有

今春早曙色和風著

花草可憐寒食已  
清明光暉並在長安道  
自從關內

雜詠

路作入秦川爭道何人不  
戲鞭公子途中妨蹴鞠  
佳人馬

上廢鞦韆渭水長  
橋今欲渡葱葱漸見新  
豐樹遠觀驪

岫入雲霄顧想湯池起烟霧烟霧氤氳水殿開  
整拂香泉歸去來今歲清明行已晚明年寒食更相陪

奉和入秦路逢寒食應制

張

說

見集本

上陽柳色喚春歸臨渭桃花拂水飛總為朝廷巡幸去  
頗教京洛少光輝昨從汾<sub>集作汾</sub>陝山南口馳道依依漸

花柳入關正投寒食前還京遂落清明後路上天心重  
豫遊御前恩賜特風流便幕那能鏤鷄子行宮善巧帖  
毛毬渭橋南渡花如撲麥隴青青斷人目漢家行樹直

新豐秦地驪山抱，溫谷溫谷香池春。溜平預歡浴日照。

京城今歲隨宜過，寒食來

雜詠作明

年陪調

集作倍宴

作清明

寒食應制

韋承慶

見歲時雜詠

鳳條春色滿龍禁，早暉通舊火。收槐燧餘寒，入桂宮闈。啼正隱，葉鷄開始開。籠藹藹，搖山滿。仙歌始樂風。

同前

張

說

見集本

寒食春過半，花穠鳥復嬌。從來禁火日，會接清明朝。闌敵鷄殊勝，爭毬馬絕調。晴空數雲點，雪樹百風搖。改木



迎新燧封田表舊燒皇情愛嘉節傳曲宴

雜咏  
作興

蕭韶

仲春

奉和聖製仲春麟德殿會百寮觀新樂

權德輿

仲月

集作  
春

藹芳景內廷宴羣臣森森列干戚濟濟趨鈞

陳大樂本天地中和序人倫正聲邁咸獲易象合義文  
玉俎映朝服金鈿明舞袵韶光雪初霽聖藻風自薰時  
泰恩澤溥功成行綴新賡歌仰昭回竊比華封人

中和節

奉和聖製中和節賜百官宴集因示所懷

前人

萬方慶嘉節宴喜皇澤均  
晚開蕓英初

英集作葉

景麗星鳥

春藻思貞百度著明並三辰  
物情舒在陽時令弘至仁  
衢酒和樂被薰絃聲曲新  
賡歌舞并側永荷玄化醇

上巳

三日侍宴林光殿

梁簡文帝

芳年留帝賞，應物動天襟。  
挾苑連金陣，分衢度羽林。  
帷

宮對廣掖，層殿邇高岑。  
風旗爭曳影，亭罕共生陰。  
樹

類聚

作林花初墮，蒂池荷欲吐心。

三日侍林光殿曲水宴

沈約

宴鎬鏘玉鑿，游汾舉仙輶。  
榮光泛彩旄，脩風動芝蓋。  
淑

氣婉登晨天，行聳雲旆帳。  
殿臨春籞，帷宮繞芳薈。  
漸席

同羽觴分墀，引迴瀨穆穆。  
玄化升濟濟，皇家類聚  
作堦泰將

御遺風軫遠，侍瑤臺會

三日侍華林光殿曲水宴

劉孝綽

薰被三陽暮濯禊

雜詠  
作伎

元已初皇心膳樂飲帳殿臨春

渠豫游高夏諺凱樂盛周居復以焚

類聚  
作禁

林日丰茸花

樹舒羽觴環階轉清瀾傍席䟽妍歌已寥亮妙舞復紆

餘九成變絲竹百戲起

雜詠  
作動龍魚

三日侍蘭亭曲水宴

庾肩吾

策星依夜動鑾駕總

集作  
忽

朝游旌門臨遠

類聚  
作苑

樹相風

出鳳樓春生露泥泥天覆雲油油桃花生

類聚  
作舒

玉澗柳

葉暗金溝楔川分曲洛帳殿掩芳洲踴躍鱗魚醉

類聚  
作出

參差絳藻浮百戲俱臨水千鍾共逐流

三日華林園公宴

邢劭

迴鑿自樂野弭蓋屬瑤池五丞接光景七度

類聚  
作友

樹風

儀芳春時欲遽覽物惜將移新萍已冒沼餘花尚滿枝

草滋徑蕪沒林長山蔽虧芳

類聚  
作方

筵羅玉俎激水漾金

卮歌聲斷且續舞袖合還離

三日侍宴宣猷堂曲水

江總

上巳娛春禊芳辰喜月離北宮命蕭鼓南館列旌麾繡  
柱擎飛閣雕軒傍曲池醉魚沉遠岫浮藻漾清漪落花  
懸度影飛絲不礙枝樹動丹樓出山斜翠磴危禮周羽  
爵遍樂闋光陰移

三日曲水侍宴應制

閻朝隱

三月重三日千春續萬春聖澤如東海天文似北辰荷  
葉珠盤淨蓮花寶蓋新陛下制萬國臣作水心人

奉和三日祓禊渭濱

韋嗣立

乘春袂襖逐風光  
扈蹕陪鑿渭渚傍  
還笑當時水濱老

衰年八十待

雜詠  
作侍

文王

同前

徐彥伯

晴風麗日滿芳洲  
御色春筵袂錦流  
皆言侍蹕璜溪讌  
暫似乘槎天漢遊

同前

劉憲

桃花欲落柳條長  
沙頭水上足風光  
此時御蹕來游處  
願奉年年袂襖觴

同前

沈佺期

寶馬香車清渭濱  
紅荷碧柳禊堂春  
皇情尚憶垂竿佐  
天祚先呈捧劍人

同前

李乂

上林花鳥暮春時  
上巳陪遊樂在茲  
此日欣逢臨渭賞  
昔年空道濟汾詞

同前

張說

青郊上巳艷陽年  
紫禁皇遊祓渭川  
幸得歡娛承湛露



心同草樹樂春天

三月三日承恩遊官莊池得筵字

前人

鳳凰樓下帶

集作對

天泉鸚鵡洲中匝管絃舊識平陽佳

麗地今逢上巳盛明年舟將水動千尋日暮共林橫兩岸烟不降王人觀楔飲誰令醉舞拂賓筵

三月三日曲江樓侍宴應制 王維

萬乘親齋祭千官喜豫遊奉迎從上苑袂楔向中流草

樹連容衛山河對冕旒畫旗搖浦溆春服滿汀州仙籞

龍媒下神臯鳳蹕留從今億萬歲天寶紀

集作

春秋

奉和聖製與太子諸王三月三日龍池春禊之

作

前人

故事修春禊新宮展豫遊明君移鳳輦太子出龍樓賦  
掩陳王作盃如洛水流金人來捧劍畫鷁去迴舟苑樹  
浮宮闕天池照冕旒宸章在雲漢垂象滿皇州

奉和聖製上巳於望春亭觀禊飲之作

前人

長樂青門外宜春小苑東樓開萬井

集作戶

上輦過百花

中畫鷁移仙妓金貂列上公清歌邀落日妍

集作妙

舞向

春風渭水明秦殿黃山入漢宮君王來被襖灞漣亦朝

宗

三百十五卷重

奉和聖製三月三日

陳希烈

見雜詠

上巳迂龍駕中流泛羽觴酒因朝太子詩為樂賢王錦  
纜方舟渡瓊筵大樂張風搖垂柳色花發異林香野老

歌無事朝臣飲歲芳皇情被羣物中外洽恩光

奉和聖製三日舒懷因以示百寮

崔元翰

見雜詠

佳節上元已芳時屬暮春流觴想蘭亭捧劍傳金人風  
輕水初綠日遲花更新天文信昭回皇道頗敷陳恭已  
每從儉清心常保真誠茲游衍樂書以示羣臣

三月三

集作二十

日承恩讌樂遊園賦得風字

張說

樂遊形勝絕

集作地

表裏望郊宮北闕連雲

集作天

頂南山

對掌中皇恩貸芳月旬宴美成功魚戲芙蓉水鶯啼楊

柳風春華看欲暮天澤戀無窮長袖招斜日留光待曲

終

元在上巳門今據集本作三月二十日又有旬宴

之句故移於此

夏

和湘東王首夏

梁簡文帝

冷風雜細雨垂雲助麥涼竹水俱蔥翠花蝶兩飛翔燕

泥銜復落鷓鴣吟

初學記  
作吟飲

更揚卧石藤為纜山橋樹作

梁欲侍

初學記  
作侍

華池上明月吐清光

奉和夏初應詔

魏彥琛

見初  
學記

雖度芳春節物色尚餘華出簾飛小燕映戶落殘花舞  
袖飄細縠歌扇掩輕紗蘭房本宜夜不畏日光斜

奉和夏日晚景應詔

楊師道

輦路夾垂楊離宮通建章日落橫峯影雲歸起夕涼彤

軒動流吹羽蓋息迴塘薙草生還綠殘花落

初學記  
作疎

尚

香青巖類姑射碧澗似洛

一作汾

陽幸屬無為日歡娛方

未央

秋

秋日即目

唐太宗

爽氣浮丹闕秋光澹紫宮  
衣碎荷疎影花明菊點叢  
袍輕低草露蓋側舞松風散  
岫飄雲迷路飛煙鴻砌冷  
蘭彫珮圭寒樹隕桐別鶴棲  
琴裏離猿啼峽中落野飛

星箭弦虛半月弓芳菲夕霧起暮色滿房櫺

奉和秋日即日應制

許敬宗

玉露交朱網金風度綺錢昆明秋景澹岐岫落霞然醉  
燕歸寒海來鴻出遠天葉動羅帷颺花晚綉衣鮮規空  
昇閣魄籠野散輕烟鵲度林光起鳧沒水文圓無機絡

秋緯如管奏寒蟬乃睠情何極宸

一作神

襟豫有旃

秋日即日應詔

上官儀

上苑通平樂神池邇建章樓臺相掩映城闕互相望緹



油泛行慢蕭吹轉浮梁晚雲含朔氣斜陽蕩秋光落葉  
飄蟬影平流寫鴈行槿散凌風縹荷鋪裛露香仙歌臨  
杵詣

臺名

玄豫歷長楊歸路乘明月千門開未央

初秋夜坐

唐太宗

斜廊連綺閣初月照宵帷寒冷鴻飛疾園秋蟬噪遲露  
結林疎葉寒輕菊吐滋愁心逢此節長嘆獨含悲

初秋夜坐應詔

楊師道

玉管涼初應金壺夜漸闌滄池流稍潔仙掌露方溥鴈

聲風處斷樹影月中寒爽氣長空淨高吟覺思寬

遼東山夜臨秋

唐太宗

秋風何凜冽白露為朝霜柔條朝夕勁綠葉日夜黃  
明月出雲崖皎皎流素光披軒臨前庭嗷嗷晨鴈翔

右按文選及初學記皆作晉左思雜詩而初學記  
別有唐太宗遼東山夜臨秋小詩偶與左思詩相  
接致當時誤編今附太宗詩于后

煙生送鴈隱月落半崖陰連山驚鳥亂隔岫斷猿吟

奉和山夜臨秋

上官儀

見初學記

帳殿清炎氣輦道含秋陰  
淒風移漢筑流水入虞琴  
雲飛送斷鴈月上淨疎林  
滴瀝露枝響空濛煙壑深

秋日應詔

袁

朗

見初學記

玉樹涼風舉金塘細草萎  
葉落空飈觀鴻歸明月池  
迎寒桂酒熟含露菊花垂  
一奉章臺宴千秋長願斯

九成宮秋初應詔

劉禕之

見初學記

帝圃疏金闕仙臺駐玉鑿  
野分鳴鶯岫路接寶雞壇  
林

樹千霜積山宮四序寒蟬急知秋早鶯疎覺夏闌怡神  
紫氣外凝睇白雲端舜海辭波發空驚遊聖難

秋暮言志

唐太宗

朝光浮燒野霜華淨碧空結浪冰初鏡在逕菊方叢約  
嶺煙深翠分旗霞散紅抽思滋泉側飛想傳巖中已獲  
千箱慶何以繼薰風

奉和秋暮言志應制

許敬宗

秋深桂初發寒牕菊餘菲波擁羣鳧至秋飄朔鴈歸月

英生還落雲枝似復非  
凝宸閱栖畝觀文停少微  
聖敬離前哲先天諒不違

文苑英華卷一百七十二